



PARLAMENTO DE GALICIA

Informe final de avaliación das ofertas presentadas no procedemento para a contratación administrativa do servizo para a xestión e explotación da cafetaría do Parlamento de Galicia mediante procedemento negociado sen publicidade

O 12 de setembro de 2016 a Mesa do Parlamento de Galicia acordou aprobar os pregos e a apertura da fase de adxudicación desta contratación.

O 14 de setembro de 2016 foron remitidas as preceptivas invitacións as seguintes empresas:

- Ayaso Sainz Alberto 000569266 B SLNE.
- Galicia Vella de inversiones y Logística, S.L.
- Samaná Hostelería, S.L.
- Sala Gradín, S.L.
- Digoclau, S.L.

Rematado o prazo concedido para presentar ofertas, rexistraron a súa respectiva proposición as cinco empresas convidadas.

Mediante informe inicial da Comisión Negociadora analizáronse as ofertas dos sobres A, B e C presentadas polas empresas concorrentes, resultando o seguinte:

- **Galicia Vella de inversiones y Logística, S.L.:** non presentou declaración de adscrición de medios. Ao teor da cláusula sexta e do apartado 14 do cadre de especificacións do prego de cláusulas administrativas estableceuse como obriga contractual esencial o compromiso de adscribir á execución do contrato os medios persoais e materiais suficientes para levala a cabo adecuadamente, medios que a xuízo do órgano de contratación deberían cumplir os requisitos da cláusula sexta do prego de prescripcións técnicas; para estes efectos os licitadores debían presentar a declaración de adscrición de medios do anexo IV do prego, advertindo claramente que non se admitiría a participar a ningunha empresa que non acreditara, mediante esta declaración, que os traballadores que desenvolverían a prestación do servizo posuía os devanditos requisitos.

A falta da declaración de adscrición de medios no sobre "A" é un defecto non subsanable, polo tanto procede a súa exclusión do procedemento de contratación.

- **Digoclau, S.L.:** non presentou declaración de adscrición de medios. Ao teor da cláusula sexta e do apartado 14 do cadre de especificacións do prego de cláusulas administrativas estableceuse como obriga contractual esencial o compromiso de adscribir á execución do contrato os medios persoais e materiais suficientes para levala a cabo adecuadamente, medios que a xuízo do órgano de contratación deberían cumplir os requisitos da cláusula sexta do prego de prescripcións técnicas; para estes efectos os licitadores debían presentar a declaración de adscrición de medios do anexo IV do prego, advertindo claramente que non se admitiría a participar a ningunha empresa que non acreditara, mediante esta declaración, que os traballadores que desenvolverían a prestación do servizo posuía os devanditos requisitos.

A falta da declaración de adscrición de medios no sobre "A" é un defecto non subsanable, polo tanto procede a súa exclusión do procedemento de contratación.

- **Samaná Hostelería, S.L.:** A oferta do sobre "B" consiste nunha única folla na que se limita a facer unha simple declaración de intencións sobre varios aspectos da prestación do servizo sen especificar absolutamente nada da súa oferta respecto dos criterios de



adxudicación suxeitos a xuízos de valor. Esta documentación non permite valorar os distintos criterios de adxudicación e o cumprimento das condicións que se establecen no prego de prescripcións técnicas da licitación, tal e como se establece no apartado 17 do cadre de especificacións do contrato.

Dado que non era posible avaliar esta oferta, simplemente porque non existe, foi excluída do procedemento de adxudicación.

- **Ayaso Sainz Alberto 000569266 B SLNE:** A oferta do sobre "B" consiste nunha memoria moi xenérica cunha declaración de intencións sobre como prestarían o servizo, sen especificar ningún dos apartados establecidos nos pregos para cuantificar mediante os criterios sometidos a xuízos de valor.

Presenta un exemplo de menús cunha planificación para dúas semanas de dúas tempadas e un só menú de comedor. Define tamén 4 variantes de coffee-break e oferta como mellora unha máquina expendedora. A documentación presentada só permitiría valorar parcialmente algúns dos criterios de adxudicación.

Ademais esta empresa presenta, no sobre "C", unha oferta de prezo para menús do autoservizo e servizo en mesa que excede ao orzamento máximo establecido nos pregos.

Polo tanto procede excluir tamén a esta empresa para continuar no procedemento de adxudicación.

- **Sala Gradín, S.L.:** A oferta do sobre "B" presenta en soporte papel e electrónico (CD) a documentación na que figuran as características técnicas da súa oferta e permiten valorar os distintos criterios de adxudicación e o cumprimento das condicións que se establecen no prego de prescripcións técnicas da licitación.

Logo de analizado o contido dos sobres "B" e "C" desta empresa, comprobase que cumpre os requisitos esixidos nos pregos e permite a súa valoración, atribuíndo un total de 32 puntos respecto dos criterios availables mediante xuízos de valor.

Respecto do sobre "C" compróbase que Sala Gradín, S.L. presenta prezo para todos menús e os produtos segundo o anexo V do prego, e que non se excede respecto dos menús do autoservizo e menú en mesa (os únicos para os que hai establecido prezo máximo); ao ser a única oferta que compre valorar neste sobre non procede asignación de puntuación, cuxas fórmulas só teñen sentido para puntuar varias ofertas.

Conforme ao establecido na cláusula décima do prego de cláusulas administrativas, foi invitada a negociar a única empresa que non procedía excluir por defectos non subsanables na súa documentación; que se realizou mediante escrito de 28 de outubro de 2016 (rexistro de saída nº 117) indicando os criterios de negociación recollidos no punto 16 do cadre de especificacións que podían ser obxecto de negociación.

A nova oferta debería estar orientada reformular e mellorar os termos da súa oferta inicial ou ben indicar que se mantén nos termos orixinais.

Rematado o prazo concedido para que presentara a súa nova proposición, Sala Gradín, S.L. presentou escrito no Rexistro da Cámara (nº 593), no que reformula a súa oferta inicial engadindo á súa inicial proposición o seguinte:

- Instalación fóra das dependencias da cafetaría dunha máquina expendedora de bebidas quentes e frías e aperitivos, sen custe engadido, e servizo diario gratuito de prensa nacional e autonómica nas dependencias da cafetaría a disposición dos usuarios da



mesma. O resto da proposición inicial mantense nos termos orixinais, sen modificación alguna

De conformidade co establecido na cláusula décima do prego de cláusulas, o 10 de novembro de 2016 se reúnen no Pazo do Parlamento, para estudio desta documentación e elaboración de informe final, os seguintes membros da Comisión negociadora:

- F. Javier Freire González, xefe do Servizo Persoal de Réxime Interior.
- José Ramón de la Fuente Rodríguez, administrativo do Servizo Persoal de Réxime Interior.

A reformulación ou mellora dos aspectos mencionados veñen a completar a oferta inicial de sala Gradín, S.L., que no seu conxunto cumpre os requisitos técnicos e administrativos dos pregos. Polo tanto á vista de que a oferta de Sala Gradín, S.L. é a única das presentadas que fai nunha proposición que pode ser avaliada e cumple os requisitos esixidos, proponse o seguinte:

1º Excluír do procedemento de contratación ás seguintes empresas:

- **Galicia Vella de inversiones y Logística, S.L.**, por non presentar declaración de adscrición de medios.
- **Digoclau, S.L.**, por non presentar declaración de adscrición de medios.
- **Samaná Hostelería, S.L.**, por presentar unha documentación que non permite valorar os distintos criterios de adxudicación e o cumprimento das condicións que se establecen no prego de prescripcións técnicas da licitación tal e como se establece no apartado 17 do cadre de especificacións do contrato.
- **Ayaso Sainz Alberto 000569266 B SLNE**, por presentar unha documentación que só permite valorar parcialmente algúns dos criterios de adxudicación, e presentar no sobre C unha oferta de prezo para menús do autoservizo e servizo en mesa que excede ao orzamento máximo establecido nos pregos.

2º Admitir a proposición de Sala Gradín, S.L., que cumple os requisitos técnicos e administrativos dos pregos, e requirirlle que presente a documentación da cláusula décimo primeira do prego de cláusulas administrativas para proceder, de ser o caso, á adxudicación do contrato.

Santiago de Compostela, 10 de novembro de 2016.

Javier Freire González PARLAMENTO DE GALICIA José Ramón de la Fuente Rodríguez